

18.06.2021թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 014886

ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, ուսումնասիրելով 18.06.2021 թվականի թիվ 14886 վարչական իրավախախտման վերաբերյալ արձանագրությունը, քննելով թիվ 14886 վարույթը և կից նյութերը,

ՊԱՐԶԵՑԻ

Անհատ ձեռնարկատեր Նուշին Ալլաեդդինի Շուրմասթին (ՀՎՀՀ՝ 20155787, հասցե՝ ք.Երևան, ԱՋԱՏՈՒԹՅԱՆ Պ. 10 2) համաձայն «Կուտակային կենսաթոշակների մասին» ՀՀ օրենքի 14-րդ հոդվածի՝ ՀՀ հարկային օրենսգրքի 156-րդ հոդվածի 4-րդ մասի 2-րդ կետով սահմանված ժամկետում հարկային մարմին չի ներկայացրել 2020թ-ի անհատ ձեռնարկատիրոջ և նոտարի սոցիալական վճարի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Անհատ ձեռնարկատեր Նուշին Ալլաեդդինի Շուրմասթին ծանուցված լինելով՝ չի ներկայացրել, սակայն ներկայացրել է դիմում առ այն, որ Նուշին Ալլաեդդինի Շուրմասթին հանդիսանում է Իրանի հանրապետության քաղաքացի, չունի հանրային ծառայությունների համարանիշ, և դրա բացակայության պայմաններում հաշվետվությունների ներկայացման էլեկտրոնային համակարգը թույլ չի տալիս լրացնել հաշվետվությունը և խնդրել է վարչական տույժ չկիրառել:

Վերոգրյալի կապակցությամբ հարկ է նշել, որ կատարված ուսումնասիրությունների արդյունքում պարզվել է, որ անհատ ձեռնարկատեր Նուշին Ալլաեդդինի Շուրմասթին կացության քարտ չունի, և համաձայն «Կուտակային կենսաթոշակների մասին» ՀՀ օրենքի 5-րդ հոդվածի 3-րդ մասի՝ ՀՀ-ում բնակության իրավունք (կացության կարգավիճակ) ունեցող օտարերկրյա քաղաքացիները և քաղաքացիություն չունեցող անձինք սոցիալական վճարները կատարում են ընդհանուր հիմունքներով, ՀՀ քաղաքացիների համար սահմանված կարգով, եթե ՀՀ միջազգային պայմանագրով այլ բան նախատեսված չէ, ուստի Նուշին Ալլաեդդինի Շուրմասթին ՀՀ ՊԵԿ նախագահի 12.12.2018թ. N749-Ն հրամանի N3 հավելվածով հաստատված սոցիալական վճարի տարեկան հաշվարկ ներկայացնելու պարտավորություն չի կրում:

Ելնելով վերոգրյալից և հիմք ընդունելով այն հանգամանքը, որ սույն գործով բացակայում է իրավախախտման դեպքը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32, 244², 281 հոդվածներով, 247-րդ հոդվածի 1-ին մասով և 282-րդ հոդվածի 2-րդ կետով՝

ՈՐՈՇԵՑԻ

Նուշին Ալլաեդդինի Շուրմասթի վերաբերյալ հարուցված թիվ 14886 վարույթն արդյունքով կարճել:

ՀՀ ՊԵԿ ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ

(Ստորագրություն)



ՎԱՐՉԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն Վարչական տույժ նշանակելը վարչական իրավախախտում կատարած անձին չի ազդում այն պարտականության կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ գանգատ կարող է տրվել որոշման իրազեկման օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: